



Republika e Kosovës
Republika Kosova - Republic of Kosova

AGJENCIA KUNDËR KORRUPSIONIT
AGENCIJA PROTIV KORRUPCIJE
ANTI-CORRUPTION AGENCY

Duke u bazuar në nenin 11 paragrafi 1.1, nenin 5 paragrafi 1.5 dhe nenin 18 paragrafi 10 dhe 11 të Ligjit nr. 03/L-159 për Agjencinë kundër Korrupsionit si dhe nenin 29 paragrafi 1 pika e) të Rregullores së Punës të Agjencisë kundër Korrupsionit, Drejtori i Agjencisë kundër Korrupsionit me datë 05.10.2012, nxjerr këtë:

V E N D I M

I. Mbyllët rasti më nr. AKK-03-2440/12, për **z. Shukri Buja- Kryetar i Komunës së Lipjanit**, për shkak se zyrtari i lartë publikë ka shmangur gjendjen e mundshme të konfliktit të interesit në të cilën ndodhej, pasi që ka dëshmuar se nuk ushtron më funksion udhëheqës në biznesin e tij privat pasi që ka emëruar një person tjetër që ta përfaqësoj biznesin e tij.

II. Rasti mund të rihapet në çdo kohë kur mund të paraqiten rrethana të reja.

A r s y e t i m

I. Në rastin e shqyrtuar për konflikt të mundshëm të interesit është zhvilluar procedura e parapar sipas nenit 18.1 dhe 18.2 të ligjit Nr.04/L-051, Për Parandalimin e Konfliktit të Interesit në Ushtrimin e Funksionit Publik.

Pas informatës së marre, ka filluar shqyrtimi i lendes me numër protokolli AKK-03-2440/12, që për trajtim ka pasur Zyrtarin e Lartë, z.Shukri Buja- Kryetar i Komunës së Lipjanit.

Gjatë zhvillimit të procedurës dhe analizimit të gjendjes është konstatuar se zyrtari e lartë, gjatë kohës së ushtrimit të funksionit publik si Kryetar i Komunës së Lipjanit, ka qenë i regjistruar në Agjencinë për Regjistrimin e Bizneseve (ARBK), si person i autorizuar dhe pronar në biznesin D.P.H. "Bulevardi"-Ferizaj, e që sipas Ligjit për Parandalimin e Konfliktit të Interesit në Ushtrimin e Funksionit Publik Nr.04/L-05, kjo situatë ka paraqitur konflikt të mundshëm të interesit, dhe mos pajtueshmëri në ushtrimin e funksionit publik, andaj Agjencia kundër Korrupsionit me datën 08.08.2012, e ka njoftuar zyrtarin e Lartë me shkresën e parë se ka filluar

procedura e shqyrtimit të gjendjes së mundshme të Konfliktit të Interesit dhe se ka të drejte në afatin prej 15 ditësh të njoftohet me faktet që posedon Agjencia.

z. Buja ka bërë kërkesë që të takohet dhe dëshiron të njoftohet më detal për situatën që dyshohet për Konflikt të mundshëm të Interesit.

Pas kërkesës që ka bërë z.Buja për tu takuar dhe të informohet më detalisht me faktet që posedon Agjencia, zyrtari i AKK-se që është përgjegjës për rastin, ka qenë në takim dhe e ka njoftuar me faktet që posedon Agjencia.

Gjatë takimit është njoftuar z.Buja, se për cilën situatë bëhet fjalë, ndërsa ai është shprehur i gatshëm për bashkëpunim, por na ka njoftuar se për çështjen në fjale lidhur me angazhimin e tij në biznes nuk qëndron, pasi që nuk ushtron asnjë aktivitet tjetër por vetëm ka mbetur si emër në kohën kur është regjistruar biznesi, sepse tash atë biznes e ka të lëshuar me qira, dhe nuk ushtron aktivitet por merr vetëm fitimin nga qiraja, ku edhe në formularin për deklaram të pasurisë e ka deklaruar si të hyra nga qiraja, mirëpo është zotuar se në afatin ligjore do të bëjë ndryshimet e kërkuar dhe do të shmang çfarë do situatë që mund të shkaktoj Konfliktit të Interesit.

Me datën 21.09.2012 zyrtari i lartë z.Shukri Buja i ka sjell në Agjenci dëshmitë e lëshuara nga ARBK-ja, se janë bërë ndryshimet e kërkuara, dhe nuk mbanë me pozitën e personit të autorizuar në biznesin D.P.H. "Bulevardi".

Andaj ne bazë të dëshmive dhe fakteve konstatojmë se :

Zyrtari i lartë, z.Shukri Buja- Kryetar i Komunës së Lipjanit, nuk gjendet më në situatën e përshkruar si Konflikt të mundshëm të Interesit dhe mos pajtueshmëri në ushtrimin e funksionit Publik pasi që ka bërë ndryshimet e kërkuara nga Agjencia kundër Korrupsionit në biznesin ku ishte pronar dhe person i autorizuar, ndërsa pas ndryshimeve të bëra ka mbetur vetëm pronar dhe biznesin do ta përfaqësoj personi i emëruar nga z.Shukri Buja.

Kjo situatë ka paraqitur mos pajtueshmëri në ushtrimin e funksionit publik si, Kryetar i Komunës dhe person i autorizuar në biznes Private.

Andaj u vendos si në dispozitiv të këtij vendimi.

II. Në pajtim me nenin 18 paragrafi 11 të Ligjit nr. 03/L-159 për Agjencinë kundër Korrupsionit. Agjencia mund të rihap rastin në çdo kohë nëse paraqiten rrethana të reja.

Vendimi iu dërgohet:

- Zyrtari i lartë publik
- Drejtorit të DPK- së
- Z./znj. (zyrtari përgjegjës)
- Z./znj. (zyrtari ndihmës)

Drejtor i Agjencisë kundër Korrupsionit

